

Bibel fa Kjinja

brinjт junt

De ieeschte Oostren



Jeschräwen von: Edward Hughes
Jemolt von: Janie Forest; Alastair P.
Toom Pauss jestalt von: Lyn Doerksen
Äwasat von: Ed Zacharias
Häajestalt von: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2022 Bible for Children, Inc.

Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.

1

De Fru stunt oppem
Boajch. Daut wia doa
lud, un see must doa
waut sea schwoaret
seenen. Äa Sän
storf doa. De Fru
wia Maria, Jesus
siene Mame.
Jesus wort doa
aun een Kjriez
jehongen.



2

Woo kjeem daut? Wuarom must Jesus sien scheenet Läden soon schljachtet Enj haben? Woo leet Gott sienen Sän aun een Kjriez stoawen? Wie Jesus orrajcht jewast, en waut hee jesajcht haud? Haud Gott waut orrajcht jedonen?



3

Nä! Gott haud nuscht orrajcht jedonen. Jesus haud daut emma jewist, daut schljachte Menschen am wudden doot moaken. Aul aus Jesus gaunz kjlien wia, haud een oola Maun, Simeon, to Maria jesajcht, daut et noch wudd sea schwoa sennen.



4

Een poa Doag ver Jesus doot jemoakt wort, kjeem eene Fru un goot Parfum opp siene Feet. Eenje Jinja grunsten un säden, "Daut es wajchjeschmätet Jelt!" Oba Jesus säd, "See deit waut goodet. Dit es toom mie begrowen." Daut hieed sikj sea framd.



5

Dan boolt beräd eena von Jesus siene 12 Jinja, Judas, met de Huage Priesta, daut hee an Jesus veroden wudd fa 30 Stekja Selwa.



6

Aus dan daut Passafast kjeem fa de Juden, haud Jesus siene latste Moltiet met siene Jinja. Hee säd an scheene Dinja von Gott un waut von Vespräkjen doa wia, fa dee waut am goot wieren.



7

Jesus säd siene Frind doa uk, daut eena am veroden wudd, un daut see aula wajchranen wudden. "Ekj woa nienich wajchranen," säd Petrus. Jesus säd, "Ea de Hon kjreien woat, woascht du mie dreemol veroden."




8

Lota en dee Nacht
jinkj Jesus en dän
Goaden Getsemane
bäden. De Jinja, dee
met am wieren,
schleepen bieaun en.
Jesus bäd, "O mien
Voda, lot dit
Liedenskuffel nich no
mie komen, doch nich
waut ekj haben well, oba
waut du haben west."



9

Met eemol wia doa eene Baund en däm
Goaden, un Judas wia met dee met.
Jesus wäd sikj nich fa an, oba Petrus
heiwde eenen Maun sien Ua auf. Jesus
neem daud Ua un heeld däm Maun
sien Ua wada. Jesus wist
daud wia en Gott sienen
Plon daud hee stoawen sull.




10

De Baund neem Jesus faust, un neemen am no däm
Huagenpriesta sien Hus. Doa säden de Judsche
Leida, daud Jesus stoawen sull. Petrus stunt
doa nich wiet auf un
paust opp; hee woamd
sikj bie de Deena äa Fia.
Dreemol säden Menschen
doa to Petrus, "Du
wiescht uk met
Jesus." Krakjt
soo aus Jesus
jesajcht haud,
vestreet Petrus
daud dreemol;
soogoa opp een Eit.




11

Un dan kjreid de Hon.
Daud wia fa Petrus aus
wan Gott waut jesajcht
haud. Hee docht aun waut
Jesus jesajcht haud, un
hee hield bettalich.




12

Judas wort daud uk leet. Hee wist
Jesus wia nich schuldich; Jesus
haud nuscht orrajchtet jedonen.
Judas jinkj un wull de 30
Selwa Stekja trigjäwen,
oba de Priesta neemen
dee nich trigj.




13

Judas schmeet
daud Jelt doa dan
han, jinkj rut, un
honk sikj.




14

De Priesta neemen Jesus no Pilatus, dän Reemischen Gowernia. Pilatus säd, "Ekj finj kjeene Schult aun disen Maun." Oba de Lied schrieen emma wada, "Kjriezicht am! Kjriezicht am!"




15

Schliesslich jeef Pilatus no, un veuadeeld am daut see am aum Kjriez noaglen sullen.



16

Jesus haud emma jewist daut hee soo stoawen wudd. Hee wist uk daut sien Doot wudd Vejäwen brinjen fa Sinda, dee aun am jleewden.



17

Jesus must stunden lank lieden. Dan säd hee, "Daut es foadich," un soo storf hee. Siene Oabeit wia foadich. Siene Frind läden am en een nieet Grauf.



18

De Reemische Soldoten veschlooten daut Grauf, un pausten opp daut doa nuscht woaren sull. Kjeena kunn doa nenn ooda rut.



19

Wan dit daut Enj von de Jeschicht wia, dan wia daut truarich. Oba Gott deed waut sea scheenet. Jesus bleef nich doot!



20

Tiedich zemorjes, aum ieeschten Dach von de Wääkj, fungen Jesus siene Jinja, daut de Steen ver daut Grauf wajch wia. See kijjten doa nenn, un Jesus wia doa nich.




21

Eene Fru bleef bie daut Grauf un hield. Jesus kjeem no ar. See wia sea jlekjlich, un spood sikj trigj no de Jinja un säd, "JESUS LÄFT! JESUS ES VOM DOOT OPPJESTONEN!"



22

Nich väl lota kjeem Jesus no de Jinja, un see sagen siene venoawde Henj. Daut wia soo! JESUS LÄWD WADA! Jesus vejeef Petrus daut hee am veloagen haud, un säd de Jinja, see sullen aule Menschen vetalen waut hee jedonen haud. Dan fua Jesus nom Himmel, von wua hee emol de ieeschte Wienachten jekomen wia.



23

De ieeschte Oostren

Eene Jeschicht von en daut Wuat Gottes, de Bibel

finjt eena en

Matäus 26-28, Lukas 22-24, Johanes 13-21

"Wan dien Wuat openboat woat, jeft daut Licht." Psalm 119:130

24

Daut Enj

54



60

25

Dise Biblische Jeschicht sajcht ons von onsen wundascheenen Gott, see ons jemoakt haft un ons well kjanenlieren.

Gott weet daut wie schljachtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sän, Jesus, schekjt, daut hee aum Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmel! Wan du dän Gloowen aun Jesus hast, un am frajchst diene Sind to vejäwen, dan deit hee daut! Hee kjemt dan un läft en die, un du wascht opp emma met am läwen.

Wan du dit jleewen kaust, dan saj to Gott: Leewa Jesus, ekj jleew daut du Gott best, un worscht een Mensch toom fa onse Sind to stoawen, un daut du nu wada läfst. Komm en mien Läwen un vejeff mie miene Sinden, soo daut ekj nu niet Läwen haben kaun, un noch emol opp emma no die kom. Halp mie daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

26